

Unser Spitznoma

A irchnd so a Idiot  
-ka Mensch waaß wer und wenn-  
hot gsócht, daß die in unsrer Stodt  
'Könólschlamperer' senn.

Des stimmt gor net und is net wohr;  
möcht song: des is órch glong,  
walls zä uns schó seit lónge Johr  
die 'Mauernscheißer' song.

Des Wort stammt nu vom Schwednkriech,  
wu auf der Mauern dróm  
die unsern gfeiert hóm den Siech  
und nuntergschissn hóm.

Und heut sichst auf die Wech, im Gros,  
wu sich die Weidn bieng,  
bästimmt, ganz gwieß, ich wett a Moß,  
nu pfundweis Höftla lieng.

Die Fremdn, wu die Stodt bäsung,  
naa, die song nie an Ton.  
Die hörst net schimpfn und net flung. -  
Forchheim hot Tradition.

